

Script of Evening Gojri News Bulletin 08 January 2025 at 1700 Hrs

ایوننگ گو جری نیوز بلیٹن مورخہ 08 جنوری 2025

یوہ آکا شوانی جموں ہے محمد اشفاق تے ظفر اقبال تیں خبر سُنو۔
پہلاں خاص خاص خبر۔

Headlines

- ۱۔ ۱۸واں پرواسی بھارتیہ دیوس گو آغاز ہو گئو تے اس سلسلہ مانہ وزیر کارجہ جے شنکر نے نوجوانان مانہ بھارت کی ترقی گو ایک اہم عناصر قرار دتو ہے۔
- ۲۔ لیفٹیننٹ گورنر منوج سنہا نے اج نویں دہلی مانہ نوجوانان بارے منایا جارہیا قومی تہوار مانہ حسو لین خاطر جموں کشمیر کا دستا نانہ چھنڈی دس گے روانہ کیو ہے۔
- ۳۔ جموں کشمیر کا خوراک شہری تقسیم کاری تے امور صارفین کا وزیر ستیش شرما نے مرکزی وزیر پرہلاد جوشی نانہ جموں کشمیر مانہ قابل تجدید توانائی کا شعبہ نانہ مضبوط کرن کی اپیل کی ہے۔
- ۴۔ ریلوے تحفظ بارے کمشنر دنیش چند دیشوال نے سرینگر بارہمولہ ریل لنک کا کٹڑہ بانہال سیکشن ور حتمی سپیڈ ٹرائیل غو جائیزو لیو۔
- ۵۔ جموں کشمیر کی قانون ساز اسمبلی مانہ نواں منتخب ہوا رکنان واسطے تربیتی پروگرام گو آغاز پالک تیں شروع کیو جے گو۔

PRAVASI BHARATIYA DIVAS

۱۸واں پرواسی بھارتیہ دیوس گو اج بھونیشور اوڈیسا مانہ آغاز ہووے جس مانہ تقریباً ۵۷ بکھ بکھ ملکاں مانہ رہ رہیا ۶ ہزار بھارتیاں نے حصو لیو۔ یوتھ پرواسی بھارتیہ دیوس غی انتتاحتی تقریب غا موقع ور بولتا واں کارجہ امور غا وزیر داکتر ایس جینسکر نے کہیو جے بھارت ایک جدید ملک غا طرز ور کم کرغے ترقی یافتہ ملک بن رہیو ہے انہاں نے بولتا واں ترقی مزید کہیو جے نوجوان ذہناں نے عالمی سطح ور بہت ترقی کی ہے جس مانہ اے آئی سٹارٹ اپ خلائی کھوج تے درون شامل ہیں۔ انہاں نے گل بات کرتا واں کہیو جے بھارت وکست بھارت بنن غا راہ ور چل رہیو ہے قابل ذکر ہے جے اس پروگرام غو افتتاح وزیر اعظم مودی رسمی طور ور آتے کل کریں گا۔ صدر جمہوریہ دروپدی مرمو افتتاحی اجلاس مانہ جمعہ آئے تہاڑے شرکت کریں گی تے پرواسی بھارتیہ سمان سنگ بکھ بکھ شعبہ مانہ کامیابی حاصل کرن ولا نانہ وی نوازہ گو۔

GADKARI ACCIDENT VICTIMS BYTE

سڑک رابطہ تے شاہراں بارے مرکزی وزیر نتن گٹکری نے اک نویں پیش کش ٹریٹمنٹ سکیم گو آغاز کیو ہے جس مانہ حادثاں اندد متاثر ہون آلا افراد خاطر مالی امداد فراہم کی جے گی اس سکیم غے تحت حادثاں مانہ متاثرین نانہ ۴۲ گھنٹاں گے اندر اندر ڈیڈھ لکھ روپیاں توڑی مالی اخراجات دتا جاسکیں تے ہلاک ہون آلاں نانہ دو لکھ روپیاں توڑی مالی امداد فراہم کی جاسکے گی اس موقع ور مرکزی وزیر نتن گٹکری نے اس طرح کہیو۔

اک میڈیا کانفرنس سنگ خطاب کرتا ہوا وزیر موصوف نے کہیو جے ملک مانہ ہنر مند ڈرائیوران گی کمی بے حکومت ملک گڈی چلانوں سکھان خاطر تربیتی مرکز قائم کرن واسطے پر عزم بے تے سڑکان ور حفاظت نانہ یقینی بنانوں مہاری دولین ترجی بے۔

LG J&K CONTINGENT

لیفٹیننٹ گورنر منوج سنہا نے اج نویں دہلی مانہ نوجوانان بارے قومی تہوار مانہ حصو لین خاطر جموں کشمیر گا دستا نانہ جھنڈی دس گے روانا کیو واضع رہ جے یاہ تقریب نوجوانان نانہ رقص شاعری تحریر امصوری تے موسیقی جیسا فن مانہ اپنا ہنر مندی گو اظہار کرن خاطر موقع فراہم کرے ایل جی موصوف نے اس تہوار گی اہمیت ور زور دیتا وں شرکاء نانہ کہیو جے وے فخر سنگ جموں کشمیر گی نمائندگی کریں۔

SATISH PRAHLAD MEET

جموں کشمیر غا محکمہ امور صارفین تے خوراک گا وزیر ستیش شرما نے اج مرکزی وزیر برائے خوراک تے عوامی تقسیم کاری غا مرکزی وزیر پرلہاد جوشی سنگ ملاقات کرے جموں کشمیر غا بکھ بکھ ترقی پلانی آراکی جس مانہ قابل تجدید توانائی وی شامل بارے گل بات کی میٹنگ غے دوران دواں وزیران نے سورج تو بنن آلی توانائی غا بنان بارے ڈونگو غور خصوص کرن تو علاوہ جموں کشمیر مانہ پانی تو بجلی پیدا کرن آلا پروجیکٹان بارے وی گل بات کی وزیر موصوف نے دور دراز گراں غے اند وی توانائی پیدا کرن بارے گل کی اس میٹنگ غو مقصد جموں کشمیر مانہ پائیدار طریقہ سنگ ترقی کرے علاقہ نانہ خود مختار بنانو بے۔

TB CAMPAIGN SAMBA

ٹی بی نانہ ختم کرن غا سلسلہ مانہ ۰۰۱ تہاڑا ور مشتمل چلن آلی مہیم غے زریعے آج ایک بڑی کامیابی حاصل کرتا وں ضلع سانبہ مانہ نیکشے پوشان غی ۰۵ کت آج ٹی بی غا مریضان مانہ تقسیم کی اس تقریب غی صدارت ضلع ترقیاتی کمشنر سانبہ راجیش شرما کر رہیا تھا جس غی رہنمائی صحت محکمہ گا چیف ڈاکٹروہدی بٹیال کر رہیا تھا قابل ذکر بے جے یہ مہیم دسمبر ۲۰۲۲ مانہ شروع ہوئی تھی جس واسطے مالی مدد انڈین ریڈ کراس سوسائٹی کر رہی تھی جس غو مقصد ۵۲۰۲ توڑی ٹی بی تو مکتی حاصل کرنی بے اس سلسلہ مانہ بولتا وں چیف میڈیکل افسر سانبہ ڈاکٹر وہدی بٹیال نے اس طرح کہیو۔

CRS SPEED TRIAL

ادھمپور سرینگر بارہمولہ ریل لینک گا کٹڑا بانہال سیکشن ور حتمی سپیڈ ٹرائل آج ریلوے تحفظ بارے کمشنر گا معائنہ گا طور ور منعقد کی گئی یاد رہ جے حتمی سپیڈ ٹرائل انجی کھیڈ ریلوے پل توں بوٹان مانہ انعقاد کی گئی یوہ ریلوے پل کییلاں سنگ تیار کیو گیو ملک گو پہلو پل بے نجہیرو کے کٹڑا تے ریاسی نانہ آپس مانہ جوڑے واضع رہ جے اسے لائین ور ایک بور پل موجود بے جس مانہ چناب ریلوے پل وی کیو جے جہیرو جے دنیا گو سب توں اچو ریلوے پل بے اس سلسلہ مانہ بولتاں وں سیلوے تحفظ بارے کمشنر دنیش چند دیشوال نے اس طرح کہیو۔

جائے روز ریلوے تحفظ بارے کمشنر دنیش چند دیشوال نے کٹڑا ریاسی سیکشن کو دورو کرگے ریلوے سڑک سڑنگاں پلاں تے ریلوے سٹیشنناں کو دورو کرغے اس پیش رفت ور اطمینان گو اظہار کیو مہارا ضلع نامہ نگار نے دسیو ہے جے اس جائیزہ توں بعد کمشنر ایک تفصیلی رپوٹ پیش کریں گا جہیڑی جے ٹرین سروس نانہہ شروع کرن خاطر رہنمائی کرے گی۔

JK MLA'S TRAINING PROG.

جموں کشمیر قانون ساز اسمبلی غا نوا منتخب ہوا ممبراں واسطے ۳ تہاڑا ور مشتمل تربیتی پروگرام آتے کل یعنی ۹ جنوری توں ۱۱ جنوری ۲۰۲۵ توڑی اسمبلی سینٹرل ہال جموں مانہہ چلے گو قابل ذکر ہے جے یوہ تربیتی پروگرام پارلیمانی کھوج تے جمہوریت بارے تربیتی ادارہ پرانیڈ لوک سبھا سکٹریٹ نوی دہلی غی مدد سنگ منعقد کیو جارہیو ہے اس تربیتی پروگرام غا انعقاد کران غو مقصد نوا منتخب ہوا ممبراں نانہہ عوام گا مسائل نانہہ اجاگر کرن غی صلاحیت بارے تیار کرنو ہے۔ مرکزی زیر انتظام علاقہ جموں کشمیر مانہہ کل ۹۰ انتخابی نشستیں بچوں ۱۵ قانون ساز اسمبلی غا نوا اسمبلی رکن چنیا گیا ہیں ایم ایل اے واسطے اس منعقد تربیتی پروگرام مانہہ امید لانی جاری ہے جے لوک سبھا راجیہ سبھا توں علاوہ کج سننیر پارلیامینٹریں وی اس ۳ تہاڑا ور مشتمل تربیتی پروگرام مانہہ شرکت کریں گا جموں کشمیر قانون ساز اسمبلی غا سپیکر عبدل رحیم راتھر نے منعقد ہون آلا اس تربیتی پروگرام واسطے تمام تر انتظامات غو جائیزو لیو ہے۔

DC DODA BEAUTIFICATION PROJECT

ضلع ترقیاتی کمشنر ڈوڈہ برویندر سنگ گی رہنمائی مانہہ ضلع انتظامیہ ڈوڈہ نے ترقیاتی پروجیکٹاں گو آغاز کیو ہے ۵۲ کروڑ گی سرمائی کاری سنگ اس پہل مانہہ استقبالیہ گیٹ تے سیر وسفا خاطر ایک پارک گی تعمیر شامل ہے۔ یاد رے جے استقبالیہ گیٹ شہر گی شناخت گی علامت گا طور ور ایک تاریخی نشان گو کم کرے گو جد کے پارک رعاشیاں تے سیلانیاں واسطے سیرع سفا گو بہترین مقام ثابت وے غو اس پہل گو مقصد شہر گی خوبصورتی نانہہ بابدو دینو ہے مہارا نمائندہ سنگ گل کرتاں وان ضلع ترقیاتی کمشنر ڈوڈہ برویندر سنگ نے اس طرح کہیو۔

WEATHER HIGHWAY

محکمہ موسمیات نے جانکاری دتی ہے جے اس مہینہ غی ۰۱ تاریخ تک موسم عام طور ور خشک تے چڑھ کھنیڈ یو رہ گیو محکمہ نے مزید جانکاری دتی ہے جے ۱۱ جنوری توں جموں گا میدانی علاقہ مانہہ ہلکی توں درمیانہ درجہ غی بارش وے گی جدکہ جموں کشمیر غا کج ایک سچارہ علاقہ مانہہ برف باری ہون غی وی پیش گوئی کی ہے جموں سرینگر قومی شاہراہ ور گڈیاں لاریاں غی دوطرفہ او جائی رہ گی ضلع راجوری تے پونچھ نانہہ وادی کشمیر سنگ جوڑن ولی مآغل شاہراہ برف باری غی وجہ توں اجاں توڑی بند ہے۔
